

KISA DUNKS® YE? (Gade anbalaj pwodui a)

- Dunks® (lavisid) itilize yon kalite bakteri ki egziste nòmalman pou kontwole marengwen yo anvan yo vin kapab vole, mòde, pètèt adilt ki bay maladi.
- Dunks® pa itilize pwodui chimik pou kontwole marengwen yo.
- Yo efikas sou marengwen ak lav mouch nwa, epi yo rekòmande yo pou itilize nan madlo lakou oswa nan fontèn kote pwason, krapo, teta ak lòt bèt dlo ap viv.
- Etid yo montre gen iritasyon minimòm lè ou vale Dunks® oswa lè li tonbe sou po ou. Poutèt sa, ou ta dwe evite sibstans ki nan Dunks® tonbe nan zye ou, epitou lave men ou apre ou manyen yo.



LÈ W AP ITILIZELI

- Dunks® pi bon pou itilize nan New York State ant mwa avril ak septanm, lè marengwen yo aktif. Marengwen yo kale pi souvan nan tan ki pi cho.
- Dunks® efikas pandan apeprè 30 jou, poutèt sa li ka nesesè pou aplike li ankò.

KOTE AK FASON POU ITILIZE LI

- Ou ta dwe itilize Dunks®, ansanm avèk lòt lavisid yo SÈLMAN nan pwopriyete PA ou sou ti kote ki gen dlo ki nan resipyan epi ki PA KAPAB koule.
- Anvan ou itilize Dunks®, chèche kote ki gen dlo-dòmi, oswa kote ki kenbe dlo apre lapli nan pwopriyete ou. Kote sa yo se kote marengwen tankou sa ki rele *Aedes albopictus* ka ponn ze yo.
- Si li posib, pa kite kote sa yo kenbe dlo: vide yo epi chavire bokit yo, po flè ou pa itilize, kannòt ak bouwèt yo. Netwaye kanivo ki bouche pou dlo a koule san pwoblèm ladan yo. Mete bouchon yo sou deyò poubèl yo.
- Lè ou trete zòn sa yo, ou kapab itilize Dunks® nan zòn ki kenbe dlo ou pa kapab ni retire ni koule. Kèk nan kote sa yo se kouvèti pisin, madlo dekorasyon ak barik ranmasaj dlo.

- Yon Dunk® kapab trete 100 pye kare dlo sifas (zòn ki mezire 10' x 10'). Sa egal a 8 benywa, oswa gwoès yon espas pou pake vwati.
- Dunks® kapab epi li dwe kase si zòn ki bezwen tretman an mwen pase 100 pye kare. Tanpri li enstwiksyon ki nan etikèt la epi swiv yo.
- Dunks® flote, epi se yon bagay ki nòmal. Aksyon flote fonn dunk dousman, pou degaje bakteri yo.
- Dunks® ap kòmanse touye lav marengwen yo nan kèk èdtan; ou ta dwe kòmanse remake yon diferans nan apeprè 48 èdtan.
- Dunks® dire 30 jou. Li ka nesesè pou aplike li ankò pandan tout sezon marengwen an.*



LÒT AKSYON OU KAPAB FÈ

Marengwen yo kapab miltipliye nan ti pòch dlo—ki piti menm jan ak yon bouchon boutèy! Pou diminye miltiplikasyon marengwen yo nèt:

- Retire, chavire oswa vide dlo-dòmi ki nan tout resipyan yo.
- Chanje dlo pi souvan nan resipyan tankou basen zwazo.
- Ranpli twou ki nan rasin pyebwa yo oswa souch ki gen twou ki kapab kenbe dlo.
- Estoke bato yo tou kouvri oswa chavire fas anba.
- Redi twal plastik oswa twal bach ki kouvri resipyan lakou a sere pou dlo a pa akimile.
- Bouche oswa repare fant ki nan tank septik ki kase oswa ki pa bouche.

POU PLIS ENFÒMASYON

Liy enfòmasyon NYSDOH sou Zika: 1-888-364-4723
<http://www.health.ny.gov/zika>
www.cdc.gov/zika/

* Dunks oswa pwodui lavisid sanblab ki itilize bakteri *Bacillus thuringiensis israelensis* (BTI) disponib nan pifò magazen materyo konstwiksyon, kenkayri, magazen ki vann atik pou jaden, magazen pepinyè, ak magazen ki vann atik pou dlo nan lakou.

